



Communicaziun per las medias, ils 12 da settember 2020

La basa pil salvament dalla Casa Carigiet ei dada

L'union Trun Cultura ch'ei vegnida fundada il schaner sa uss cumprar la casa paterna dils frars artists Alois e Zarli Carigiet. Aunc quei meins vegn tschentau in tetg da schurmetg e las lavurs da rumida entscheivan beingleiti, aschia che la sostanza dil baghetg sa vegnir mantenida. Per cuvierer ils cuosts scadents pil schurmetg dalla sostanza murala e per la reconstruziun dalla casa tscherca Trun Cultura en fuorma d'ina collecta faaturas e fautors che han a cor da salvar questa unica casa patriziana.

Il 19 da fevrer 2019 brischa l'imposanta Casa Carigiet, in edifezi marcant dil vitg. Ina vera tragedia - buca mo pils habitonts mobein era pil maletg dil vitg da Trun che stat sut schurmetg nazional. Oz presenta la cummissiun dil fatg dall'union Trun Cultura el clavau dasperas alla publicitad ils plans per la reconstrucziun dalla Casa Carigiet, dend l'entschatta all'acziun da salvament. Cun igl aquist dalla ruina, e quei grazia alla beinvuglientscha dils possessurs ed auter sustegn, ei la basa pil salvament dada.

Tetg da schurmetg aunc quest meins

Ei fa prescha damai che la muraglia dil baghetg pitescha pli e pli. Perquei eis ei necessari da construir in tetg da schurmetg. Cun ina donaziun ni cun in commembradi da Trun Cultura eis ei pusseivel da salvar la ruina sco era da reconstruir il baghetg ed aschia era da procurar per in diever cultural. La cummissiun dil fatg elaborescha in studi davart la realisabladad dil project d'in center cultural menaus professionalmein e quei entochen la fin november, risguardond ulteriurs edifezis e valurs culturalas da Trun.

Visiun: intermediar valurs culturalas e vivas erhalten

Tochen la fin 2023 duei la Casa Carigiet daventar in center cultural, dedicaus al pictur artist Alois Carigiet (1902-1085) e siu frar actur Zarli Carigiet (1907-1985). Lur ovra artistica duei scaffir in artg agl art contemporan. La Casa Desax ei predestinada sco residenza d'artists en cumbinaziun cun la litteraura romontscha e cun hospitalitad ed aschia scaffir in ambient special pigl inscunter d'artistas ed

artists cun persunas interessadas agl art. La fabrica da ponn, nua ch'igl enconuscent artist indigen Matias Skpescha (1925-2008) ha a sias uras fatg igl emprendissadi, ei il liug ideal per tgirar e presentar sias ovras. Ina part dalla fabrica duei daventar laboratori per projects innovativs digl art.

Salvament dalla Casa Carigiet el focus

Igl architect e concepider d'exposiziuns Remo Derungs explichescha cun agid da plans e model, co siu team elaborescha ensemen cun la tgira da monuments dil Cantun scenaris risguardond l'architectura e la historia dalla Casa Carigiet. Ina planisaziun visiunara e subtila ei premissa per la restauraziun planisada. D'ina vart ha ei num da mantener igl existent e da l'autra vart sviluppar ideas che corrispundan al basegn da nies temps.

Uniun Trun Cultura

L'uniun s'engascha primarmein pil salvament, la reconstruziun ed il diever cultural dalla Casa Carigiet. Ils fundaturs dall'uniun secumponan dils artavels Carigiet e Spescha, dalla fundaziun OGNA sco era da persunas dil fatg da svilup museal, management cultural, architectura, tgira da monuments e comunicaziun. Cun Daniel Tuor fa era Trun Turissem uss part dalla suprastonza.

Acziun da salvament dalla Casa Carigiet

Cun ina donaziun ni in commemoradi ell'uniun Trun Cultura sustenis Vus il salvament dalla Casa Carigiet e possibiliteis la reconstrucziun da tala. Segidei da transformar la ruina en in center cultural che viva!

www.trun-cultura.ch/collecta

Suprastonza uniun Trun Cultura

Domenica Carigiet, co-presidenta

Toni Carigiet, co-president

Lisa Schmidt-Candinas, actuara e presidenta fundaziun OGNA

Susanne Hollenstein, cassiera

Seraina Fanger, assessura

Venice Spescha, assessura

Daniel Tuor, president Trun turissem

Cummissiun dil fatg

Lisa Schmidt-Candinas, representanta suprastonza Trun Cultura

Ludmila Seifert, meinafatschenta Ligia grischuna per la protecziun dalla patria
(cummissiun da baghegiar)

Simon Berger, menader tgira da monuments dil Grischun

Kajo Bächle, CLUS agentura da reclama

Remo Derungs, architect e concepider d'exposiziuns (menader cummissiun da
baghegiar)

Peter Fischer, curatur, scientist digl art e dalla musica

Thomas Imboden, manager da cultura e fundraising (menader cummissiun dil
fatg)

Kontakt Medien

CLUS AG

Werbeagentur

Anita Willi

Tittwiesenstrasse 21

CH-7000 Chur

T +41 81 250 64 38

anita.willi@clus.ch

clus.ch